



# ԱՇԽԱՏՈՒԹՅՈՒՆՆԵՐ

ՀԱՅԱՍՏԱՆԻ  
ՊԱՏՄՈՒԹՅԱՆ  
ԹԱՆԳԱՐԱՆԻ

**2(10)**

ՀԱՅԱՍՏԱՆԻ ՊԱՏՄՈՒԹՅԱՆ ԹԱՆԳԱՐԱՆ

ԱՇԽԱՏՈՒԹՅՈՒՆՆԵՐ  
ՀԱՅԱՍՏԱՆԻ ՊԱՏՄՈՒԹՅԱՆ ԹԱՆԳԱՐԱՆԻ  
№ 2(10)

ԵՐԵՎԱՆ 2022

*Տպագրվում է Հայաստանի պատմության թանգարանի  
գիտական խորհրդի որոշմամբ*

Հրատարակվում է 1948 թվականից

*Խմբագրական խորհուրդ՝*

*Նժդեհ Երանյան, պ. գ. թ. – նախագահ*

*Հայկ Նազարյան, պ. գ. թ. – պատրաստանապես քարտուղար*

*Պավել Ավետիսյան, պ. գ. դ., ՀՀ ԳԱԱ թղթակից անդամ*

*Հարություն Մարության, պ. գ. դ.*

*Համլետ Պետրոսյան, պ. գ. դ., պրոֆեսոր*

*Հռիփսիմե Պիկիջյան, պ. գ. թ., դոցենտ*

*Ռուբեն Վարդանյան, պ. գ. թ.*

*Մխիթար Գաբրիելյան, պ. գ. թ., դոցենտ*

*Արսեն Բոբոխյան, պ. գ. թ.*

*Տորք Դալայյան, ք. գ. թ.*

*Համո Սուքիասյան, պ. գ. թ., դոցենտ*

*Արա Սանճեան, PhD (ԱՄՆ)*

*Ռոբերտո Դան, PhD (Իտալիա)*

*Հրաչ Չիլինկիրեան, PhD (Մեծ Բրիտանիա)*

## ԲՈՎԱՆԴԱԿՈՒԹՅՈՒՆ

### ՅՆԱԳԻՏՈՒԹՅՈՒՆ

#### *Արման Նայրանդյան*

ՇԻՎԱՀՈՂԻ Ս. ՍՏԵՓԱՆՈՍ ՆԱԽԱՎԿԱ ԵԿԵՂԵՑՈՒ  
ՊԵՂՈՒՄՆԵՐԻ ԱՐԴՅՈՒՆՔՆԵՐԸ 8

#### *Կարեն Թոխարյան*

ՄԵԾ ՀԱՅՔԻ ԱՐՑԱԽ ԵՎ ՍՅՈՒՆԻՔ ԱՇԽԱՐՀՆԵՐԻ  
ԺԱՅՈՒՊԱՏԿԵՐՆԵՐԸ 18

#### *Նժդեհ Երանյան, Համլիար Պեղրոսյան*

ՏՈՂԻ ՍՐ. ՀՈՎՀԱՆՆԵՍ ԵԿԵՂԵՑՈՒ ՀՆԱԳԻՏԱԿԱՆ  
ՀԵՏԱԶՈՏՈՒԹՅԱՆ ՀԻՄՆԱԿԱՆ ԱՐԴՅՈՒՆՔՆԵՐԸ 31

#### *Варданесова Татьяна*

КОЛЛЕКЦИЯ СРЕДНЕВЕКОВОГО СТЕКЛА  
ИЗ РАСКОПОК Г. ТИГРАНАКЕРТ В АРЦАХЕ 41

### ՊԱՏՄՈՒԹՅՈՒՆ ԵՎ ԱՐՔՈՒՐԱԳԻՏՈՒԹՅՈՒՆ

#### *Գոռ Ղազարյան*

ԳԱՐԵԳԻՆ ՆԺԴԵՀԸ ԵՎ ԱՐՑԱԽԻ ԳՈՅԱՊԱՅՔԱՐԸ 1920 – 1921 ԹԹ. 46

#### *Մայա Գրիգորյան*

ՀԱՅ ՏՊԱԳՐՈՒԹՅԱՆ ԶԱՐԳԱՅՄԱՆ ԸՆԹԱՅՔԸ ՍՅՈՒՆԻՔՈՒՄ  
20-ՐԴ ԴԱՐԻ ԱՌԱՋԻՆ ԿԵՍԻՆ 58

#### *Միրանույշ Առաքելյան*

ԱՐՑԱԽԻ ԵՎ ՍՅՈՒՆԻՔԻ ԱՎԱՆԴԱԶՐՈՒՅՑՆԵՐԸ  
«СБОРНИК МАТЕРИАЛОВ ДЛЯ ОПИСАНИЯ МЕСТНОСТЕЙ И ПЛЕМЕН  
КАВКАЗА» (СМОМПК 1881-1915) ՌՈՒՍԱԼԵԶՈՒ ՄԱՏԵՆԱՇԱՐԻ ԷԶԵՐՈՒՄ 68

#### *Վանիկ Վիրաբյան*

ԼԵՆՆԱՅԻՆ ՂԱՐԱԲԱՂԻ ՀԻՄՆԱԽՆԴԻՐԸ ԹԻՖԼԻՍՈՒՄ 1920 Թ.  
ՄՊՐԻԼԻՆ ԿԱՅԱՑԱԾ ՎԵՀԱԺՈՂՈՎՈՒՄ ԵՎ ԱՆԴՐԿՈՎԿԱՍՈՒՄ  
ԳՈՐԾՈՂ ԵՎՐՈՊԱԿԱՆ ՊԵՏՈՒԹՅՈՒՆՆԵՐԻ ՌԱԶՄԱՔԱՂԱՔԱԿԱՆ  
ՆԵՐԿԱՅԱՅՈՒՑՉՈՒԹՅՈՒՆՆԵՐԻ ԴԻՐՔՈՐՈՇՈՒՄԸ 77

#### *Մհեր Քումանյս*

ՂՈՒԿԱՍ ՍԵՔԱՍՏԱՑՈՒ «ԴԱՎԻԹ ԲԵԿ ԿԱՄ ՊԱՏՄՈՒԹՅՈՒՆ  
ՂԱՓԱՆՅՈՑ»-Ի ՏԵՂԱՆՎԱՆԱԿԱՆ ՀԱՄԱԿԱՐԳԸ 93

## **ԴՐԱՄԱԳԻՏՈՒԹՅՈՒՆ**

### ***Վեռա Բոյան***

ՍՅՈՒՆԻՔԸ ՈՐՊԵՍ ԱՌԵՎՏՐԱԿԱՆ ԵՎ ՄՇԱԿՈՒԹԱՅԻՆ ԽԱՉՄԵՐՈՒԿ (ԸՍՏ ԴՐԱՄԱԿԱՆ ԳԱՆՁԵՐԻ)

108

## **ԱԶԳԱԳՐՈՒԹՅՈՒՆ ԵՎ ՊԱՏԿԵՐԱԳՐՈՒԹՅՈՒՆ**

### ***Լիլիա Ավանեսյան***

ՇՈՒՇԻԻ ՀԱՅԿԱԿԱՆ ԺՈՂՈՎՐԴԱԿԱՆ ՏԱՐԱՋԻ ՆՄՈՒՇՆԵՐ (19-ՐԴ-20-ՐԴ ԴԱՐԻ ՄԿԻՋԲ)

118

### ***Կարինե Բաղդյան***

ԱՐՑԱԽԻ ԱՍԵՂՆԱԳՈՐԾԱԿԱՆ ԴՊՐՈՑԻ ՇՈՒՐՁ

129

## **ՄՇԱԿՈՒԹԱՅԻՆ ՄԱՐԴԱԲԱՆՈՒԹՅՈՒՆ**

### ***Անուշ Մաֆայրյան***

ԱՐՑԱԽԻ ԺԱՄԱՆԱԿԱԿԻՑ ԽԱՉՔԱՐԱՅԻՆ ՄՇԱԿՈՒՅԹԸ

138

### ***Նարինե Շամսանյան***

ՌԱԶՄԱՊԱՐԵՐՆ ԱՐՑԱԽՅԱՆ ՀԵՐՈՍԱՄԱՐՏՈՒՄ (ՊԱՏՄԱՋԳԱԳՐԱԿԱՆ ՈՒՍՈՒՄՆԱՍԻՐՈՒԹՅԱՆ ՓՈՐՁ)

145

### ***Արմինե Շահբազյան***

ԴԱՎԻԹ ԲԵԿԻ ԳԼԽԱՎՈՐԱԾ ՍՅՈՒՆԻՔԻ ԱԶԱՏԱԳՐԱԿԱՆ ՊԱՅՔԱՐԻ ՆԵՐԿԱՅԱՑՈՒՄԸ ՀԱՅ ԿԻՆՈԱՐՎԵՍՏՈՒՄ

155

## **ՀԱՎԱՔԱԾՈՒՆԵՐ ԵՎ ԹԱՆԳԱՐԱՆՆԵՐ**

### ***Սևդա Գալստյան***

ՀԱՅԱՍՏԱՆԻ ՊԱՏՄՈՒԹՅԱՆ ԹԱՆԳԱՐԱՆՈՒՄ ՊԱՀՎՈՂ ԳԱՐԵԳԻՆ ՆԺԴԵՀԻ ՀԱՎԱՔԱԾՈՒՆ

168

### ***Համլեդր Պեղրոսյան***

ԱՐՑԱԽԻ ՏԻԳՐԱՆԱԿԵՐՏԻ ՀՆԱԳԻՏԱԿԱՆ ԹԱՆԳԱՐԱՆԻ ՈՂԻՄԱԿԱՆԸ

183

ՇՈՒՇԻ ՔԱՂԱՔԻ ԹԱՆԳԱՐԱՆՆԵՐԸ

189

## Վանիկ Վիրաբյան

Պատմական գիտությունների դոկտոր, պրոֆեսոր

*Խ. Արովյանի անվան Հայկական պետական մանկավարժական համալսարան*

vanik.virabyan@mail.ru

## ԼԵՌՆԱՅԻՆ ՂԱՐԱԲԱՂԻ ՅԻՄՆԱԽՆԴԻՐԸ ԹԻՖԼԻՍՈՒՄ 1920 Թ. ԱՊՐԻԼԻՆ ԿԱՅԱՑԱԾ ՎԵՅԱԺՈՂՈՎՈՒՄ ԵՎ ԱՆԴԻԿՈՎԿԱՍՈՒՄ ԳՈՐԾՈՂ ԵՎՐՈՊԱԿԱՆ ՊԵՏՈՒԹՅՈՒՆՆԵՐԻ ՌԱԶՄԱՔԱՂԱՔԱԿԱՆ ՆԵՐԿԱՅԱՑՈՒՑՁՈՒԹՅՈՒՆՆԵՐԻ ԴԻՐՔՈՐՈՇՈՒՄԸ\*

**Հիմնաբառեր.** ՀՀ, Լեոնային Ղարաբաղ, Թիֆլիս, Ադրբեջան, Ռուսաստան, Բրիտանիա, Բաքու:

Արցախի համար 1918–1920 թթ. ծավալված հակամարտությունը եղել է անզիջում և արյունոտ: Ադրբեջանն օգտվելով Անդրկովկասի եվրոպական ռազմաքաղաքական ներկայացուցչությունների աջակցությունից, հակահայկական ռազմավարություն որդեգրեց Ղարաբաղի նկատմամբ՝ վարելով էթնիկ զտման քաղաքականություն:

Հայաստանի Հանրապետության ղեկավար շրջանները անվերապահորեն հավատում էին, որ հարևան մահադակական պետությունների հետ տարածքային վեճերում դաշնակիցները կպաշտպանեն Հայաստանին: Հայության ու նրան առաջնորդող ուժերի համար, որոնք խանդավառությամբ էին ընդունել բրիտանական զորքերի մուտքը Անդրկովկաս, դժվար էր կողմնորոշվել այդ երկդիմի քաղաքականությունում: Ռիչարդ Հովհաննիսյանը իրատեսորեն է գնահատում Մեծ Բրիտանիայի դիրքորոշումը. «1918 թ. վերջերին նրանք հավատում էին, որ Հայաստանին կհատկացվեն Օսմանյան արևելյան վիլայեթները: Հետևաբար, բնական էր թվում դիտել Ղարաբաղը և Ջանգեզուրը, որպես փոխհատուցում Ադրբեջանին: Նավթային իմպերիալիզմն էր թելադրել բրիտանական քաղաքականությունը, թե ոչ, ամեն դեպքում տնտեսական գործոնները չէին կարող անտեսվել» (Հովհաննիսյան 2005, Հատոր I, 17–171):

ՀՀ թուլությունը ռազմական, էներգետիկ, պարենային և այլ խնդիրների առումով իր կնիքը թողեց ՀՀ կառավարության ձեռնարկած քայլերի վրա: Տարածքային սահմանազատումների առումով դժվարությունները կախվածության մեջ մնալիս բրիտանական ռազմաքաղաքական առաքելությունից, որը որպես խորհրդա-

\* Ստացվել է 12. 07. 2022 թ., ուղարկվել է գրախոսման 02. 09. 2022 թ., ընդունվել է տպագրության 18.11.2022 թ.: Հետազոտությունը տպագրվում է ՀՀ Գիտության Պետական Կոմիտեի Թեմատիկ Հայտի (21T-6A102. «Հայաստանը Անդրկովկասում եվրոպական երկրների ռազմաքաղաքական ներկայացուցչությունների հետ փոխհարաբերությունների համատեքստում (1917-1920 թթ.)» շրջանակում:

տու բացասական դեր խաղաց ՀՀ արտաքին-քաղաքական հաշվարկների և ակնկալիքների ձևավորման հարցում՝ նպաստելով ՀՀ համար ոչ նպաստավոր վճիռների: ՀՀ գլխավոր կոմանանտներից մեկը դարձավ ոչ թե ճկուն և հեռահար գործունեությունը, այլ զինուժը, որը զինված էր ոչ բավարար քանակի և որակի, շատ դեպքերում խոտան զենքով, այդ թվում ոչ բավարար չափով պիտանի բրիտանականադական հրագետով: Այս հանգամանքը թույլ չտվեց հայկական ուժերին ամրանալ Կարսում, Նախիջանում, Ղարաբաղում, որտեղ բրիտանացիները և մյուս դաշնակիցները շահագրգիռ մասնակցություն չցուցաբերեցին, ինչը թույլ չտվեց, որ ՀՀ կառավարությունը հակադրվեր բրիտանական ոչ հայամետ թելադրանքին, հաղթահարեր ստրկամիտ նվիրվածությունը Դաշնակիցներին, չկարողացավ գորավիզ լինել Ղարաբաղին և Ջանգեզուրին՝ կուլ գնալով դաշնակիցների խաբուսիկ որոշումներին, ինչը կրկնվեց 2020 թ. Ադրբեջանի ու Թուրքիայի դեմ կապիտուլացիոն պատերազմի ժամանակ:

1918–1920 թթ. Մուսավաթական Ադրբեջանն անցնում է լայնածավալ գործողությունների, ոտնահարելով էթնիկական խմբերի ինքնորոշման անքակտելի իրավունքը, հավակնելով անգամ Սևանա լճի ավազանի արևելյան և հյուսիսարևելյան շրջաններին: Մեծ Բրիտանիայի ռազմաքաղաքական առաքելության պարտադրմամբ կասեցվում է Անդրանիկի գորաջոկատի առաջխաղացումը դեպի Շուշի, որով հայությունը գրկվում էր հեղինակավոր գորապետներից, իրագործելի դարձնելով Թոմաս-Շատելվորտի ծրագիրը, այն է հպատակեցնել Ղարաբաղ-Ջանգեզուրը և տիրել Արաքսի հովտին: Դրա մասին հստակ է արտահայտվել Ղարաբաղի Հայկական ազգային խորհրդի պատգամավոր Լևոն Զարաֆյանցը ՀՀ Նախարարների խորհուրդին ուղարկված 1919 թ. մարտի 17-ի գրությունում. «Հայկական ազգային խորհուրդը ամեն հնարավոր բան անում է, որպեսզի գործը չհասնի զինված բախմանը, որ պատերազմի դեպքում շատ հնարավոր է՝ մենք կջախջախվենք: Հայկական Ազգային խորհուրդը կարող է դուրս բերել 10–12 հազար զինվոր հրացանով, սակայն նա չունի ամուր ռազմական կազմակերպություն, չունի հեղինակավոր զինվորական ղեկավար, փող չունի, իսկ ամենագլխավորը՝ ունի շատ քիչ ռազմամթերք, և այդ ամենը այն պահին, երբ հայկական Ղարաբաղի գլխավոր ռազմավարական կետերը արդեն գրավված են ադրբեջանական կանոնավոր զորքերի կողմից» (Հայաստանի ազգային արխիվ (ՀԱԱ), ֆ.200, ց.1, գ.243, թ.53):

1919 թ. ապրիլի 3-ին Դիզբի Շատելվորտը հայտարարում է, որ մինչև Ղարաբաղի հարցով վերջնական որոշման կայացումը Փարիզի վեհաժողովի կողմից, այդ շրջանը պետք է մնա Ադրբեջանի կազմում (կՌ-սԴ-տիցՍ 2021, 132, 136): Ալեքսանդր Խատիսյանի գնահատմամբ. «Անգլիական գործօն քաղաքականութեան առաջին քայլերը Կովկասի մէջ եղան, ամէն տեսակ ջանքեր Ատրբեջանի սահմաններու մէջ մտցնելու Ղարաբաղի և Ջանգեզուրի հայկական շրջանները» (Խատիսյան 1968, 179):

Արցախի հարցում դատավճռային շրջադարձի սկիզբը դրվեց դեռ 1919 թ. օգոստոսի 12-ի Ղարաբաղի 7-րդ համագումարով, որը քննելով ստեղծված դրությունը և համոզվելով, որ անգլիացիներն ըստ էության պաշտպանում են ադրբե-

ջանցիներին, իսկ ՀՀ կառավարությունն էլ ի վիճակի չէ որևիցե լուրջ ռազմաքաղաքական աջակցություն հասցնելու, որոշեց օգոստոսի 15-ին ընդունել Բաքվի հետ համաձայնությունը: Արդյունքում Ադրբեջանին հաջողվում է Արցախին պարտադրել 1919 թ. օգոստոսի 22-ի իրավակարգը, որի համաձայն Արցախը պարտավորվում էր ժամանակավորապես ենթարկվել Ադրբեջանին՝ մինչև Փարիզի խաղաղության վեհաժողովի որոշումը: Դա, ըստ էության, ռազմաքաղաքական պարտություն էր Ադրբեջանի հետ հակամարտությունում, որի կապակցությամբ Ռ.Հովհաննիսյանը նկատում է. «1919 թ. օգոստոսի 22-ի կարգավորումը անձնական հաղթանակ էր Խոսրով-բեկ Սուլթանովի և ազգային հաղթանակ Ադրբեջանի համար: Ղարաբաղը, ի վերջո ենթարկվեց Ադրբեջանի ժամանակավոր կառավարմանը: Ժամանակավոր կառավարումը մի ազդու և խոշոր քայլ էր դեպի մշտական տիրապետություն: Ինչ մարտավարություն էլ ընդունեք ապագայում Հայաստանի Հանրապետությունը, նրան այլևս չէր հաջողվելու ստիպել Ադրբեջանին հեռանալու այդ հայաբնակ լեռնաշխարհից: Ադրբեջանը օգտվեց բրիտանական հրամանատարների հովանավորությունից, Փարիզի Հաշտության վեհաժողովի հապաղումներից՝ վիճելի տարածքի նկատմամբ գործնական միջոցներ ձեռք առնելու հարցում և հայկական կառավարության ընդհանուր անկարողությունից: Այն ամենը, ինչ մնաց հայերին, լոկ Ղարաբաղի ինքնավարության խոստումն էր և գոհունակությունը, որ Ջանգեզուրը, այնուամենայնիվ, չմտցվեց ընդհանուր հանրապետության մեջ» (Հովհաննիսյան 2005, Հատոր I, 205):

Այսպիսով, Խոսրով-բեկ Սուլթանովի<sup>1</sup> մուսավաթական վարչակազմը կարողանում է 1919 թ. օգոստոսի 22-ի պայմանագրով Ղարաբաղի հայ բնակչությանը պարտադրել ժամանակավորապես ընդունել Ադրբեջանի գերակայությունը՝ մինչև հարցի վերջնալուծումը Փարիզի վեհաժողովի «բարեկամ երկրների»՝ Մեծ Բրիտանիայի ու Ֆրանսիայի կողմից (Бекитов 1998, 29), և դրանով իսկ արմատապես խարխլում ՀՀ անվտանգային շահերը, որն էլ արտացոլվեց ավելի ուշ 1920 թ. ապրիլյան Անդրկովկասյան վեհաժողովի արդյունքներում (Վիրաբյան 2004, 5–40):

ՀՀ-ն ամրապնդվելով Ջանգեզուրում, չկարողացավ, սակայն, հաստատվել Ղարաբաղում, որտեղից խաբեությամբ հեռացվեցին Անդրանիկը և Դրոն, Արսեն Շահնազյանը<sup>2</sup> (Հովհաննիսյան 2005, 169–215), որին ՀՀ կառավարությունը 1919 թ. հունվարի 21-ին նշանակել էր Արցախ-Ջանգեզուրի գեներալ-կոմիսար (ՀԱԱ, ֆ.199, ց.1, գ.38, թ.4): Եվ դա այն պարագայում, երբ հայ քաղաքական էլիտան դաշնակիցների Կովկաս ժամանելու պահին կարծում էր, որ հայկական շահերը կգերակայեն: Գեներալ Հովհաննես Հախվերդյանը հիասթափված հիշում է, որ «Թոմսոնը չէր շտապում ժամանել Երևան, մինչդեռ ՀՀ կառավարությունը սպասում էր, ենթադրելով, որ հայ ժողովուրդը որպես թշնամու դեմ մինչև վերջ պայքարած և դաշնակիցներին հավատարիմ մնացած, ամենից շատ իրավունք ուներ դաշնակիցների կողմից հատուկ վերաբերմունքի: Գեներալ Ուիլյամ Թոմսոնի

1 Սուլթանով Խոսրով բեկ Փաշա-բեկ օղլի (1879–1943): 1919 թ. փետրվարի 12-ից հանդիսացել է Ղարաբաղի գեներալ-սահանգապետը:

2 Արսեն Շահնազյան (1883–1937): ՀՀ զինվորական հայտնի գործիչ:



հետ առաջին իսկ հանդիպմանը Քաջագնունին արտահայտեց դա: Ու.Թոմսոնը բավականին կտրուկ առարկեց, թե իրենք ավելի կարևոր գործեր ունեն, քան ուղղակի համակրանք արտահայտելն է» (ՀԱԱ, ֆ. 45, ց. 1, գ. 32, թ. 3–4):

Բրիտանական ռազմական ներկայացուցչության դիրքորոշումը ի դեմս գեներալներ Ու.Թոմսոնի և Դ.Շատելվորտի հատկապես վրդովեցուցիչ էր արհեստականորեն վիճելի հռչակված Լեոնային Ղարաբաղի, Սյունիք-Զանգեզուրի և Նախիջևանի հարցում, ինչը շփոթեցրեց անգամ մյուս դաշնակիցներին, որի մասին Երևանում Ադրբեջանի դիվանագիտական ներկայացուցիչ, իր լրտեսական գործունեությամբ հայտնի Խան Թեքինսկին (Virabyan 2021, 51–81) 1919 թ. մայիսի 20-ի իր զեկույցում նկատել է. «Հայաստանում Ֆրանսիայի ներկայացուցիչն իր դժգոհությունն արտահայտեց անգլիացիների քաղաքականությունից, որն ուղղված էր բացառապես հոգուտ Ադրբեջանի, և գլխավորապես Ու.Թոմսոնի քաղաքականությունից, որը հասավ Ղարաբաղը Ադրբեջանին հանձնելուն, ինչը ֆրանսիացիների կարծիքով անարդարություն է: Այնուհետև սասց, որ մյուս դաշնակիցների գալով քաղաքականությունը պետք է փոխվի» (ՀԱԱ, ֆ. 200, ց. 1, գ. 358, թ. 25):

Ինչ վերաբերում է Իտալիայի և ավելի փոքրակշիռ երկրների ներկայացուցիչների համակրանքին, ապա դա դեկլարատիվ համակրանքի և էմոցիայի տպավորիչ պոռթկումներից այն կողմ չգնաց: Գերազանցապես բրիտանական ջանքերով ՀՀ տարածքային ամբողջությունից դուրս մնացին Ախալքալաք–Զավախքը, «Լոռու չեզոք գոտին», Լեոնային Ղարաբաղը և Շարուր-Նախիջևանը: Մեծ Բրիտանիան և մյուս դաշնակիցները ավելի շատ հոգացին մեծ և հզոր Ադրբեջան ստեղծելու հարցում, և բոլորովին շահագրգիռ չեղան ուժեղ Հայաստանի ստեղծման հարցում, ավելին ՀՀ-ին-ին մինչև վերջ տրամադրեցին ընդդեմ հյուսիսից եկող բոլշևիկյան վտանգի, սակայն վերջին պահին լքեցին և նրա շահերը ստորադասեցին Մուստաֆա Քեմալի խորհրդով բոլշևիկացած Ադրբեջանին՝ խրախուսելով նաև Հայաստանում մահմեդական խռովարար շրջանների անջատողական տրամադրությունները: Այդ մասին փաստում է 1920 թ. ապրիլի 20-ի զեկույցում ՀՀ Գլխավոր շտաբի հետախուզական բաժանմունքի պետ կապիտան Տիգրան Դեվոյանցը. «Բոլոր մուսուլմանական կանոնավոր գործերի թվաքանակը Զանգեզուրի գավառում հասավ մինչև 6000 հետևակի, 300 սուր, 400 քուրդ, 8 թեթև և 4 հասուրիցային թնդանոթ: Պարտիզանների հետ միասին նրանց թվաքանակը հասավ 20.000 մարդու: Նոյեմբերի սկզբներին Ադրբեջանը կենտրոնացրեց ողջ այդ գորաջոկատը 1-ին դիվիզիայի պետ գեներալ Շիխլինսկու հրամանատարությամբ երեք կետերում, հարձակում ձեռնարկելով անհնազանդ հայերով բնակեցված Զանգեզուրի վրա: Զանգեզուրում պարտությունից հետո (վերցվեց 13 գնդացի, ավելի քան 150 գերի, և շատ վիրավորներ), Խան Թեքինսկին հրահանգում է անսկառ Զանգեզուրի շրջան ուղարկելու թուրքական սպաների, որոնք այնտեղ պետք է կազմակերպեին տեղական թաթարական բնակչությանը, որպեսզի ադրբեջանական կանոնավոր գործերի հարձակման ժամանակ թիկունքից հարվածեն Զանգեզուրին: Ընդ որում Ադրբեջանը կրկին նպատակ է դնում ինչ գնով ուզում է լինի մաքրել Ելիզավետպոլի նահանգի ողջ լեոնային գոտին (Ջիվանշիր) հայերից, և զինաթափել Ղարաբաղը, իսկ այնուհետև իր իշխանությանը ենթարկել և Զանգե-

գուրը: Մարտի 12-ին բոլոր տեսակի գորատեսակները ուղարկվել են ոչ միայն Ղարաբաղի և Տերտերի կողմերը, այլև Ղազախի կողմը, ընդ որում այդ օրերին Բաքվում Պաշտպանության կոմիտեն քննարկել է թուրքերի հետ համատեղ Հայաստանի վրա հարձակվելու հարցը: Մարտի կեսերին Ադրբեջանը համաձայն վերջնագրի, ձեռնամուխ է եղել Ղարաբաղի զինաթափմանը, և կենտրոնացնելով իր ուժերը, ընդհանուր հարձակում է ձեռնարկել Ղարաբաղի և Զանգեզուրի դեմ» (ՀԱԱ, ֆ. 200, ց. 1, գ. 563, թ. 180–181):

1920 թ. փետրվարին ադրբեջանական բանակի զգալի մասը՝ մոտ 10000 հոգի, հավաքվեց Ղարաբաղի ճակատում (Վրացյան 1993, 394–395): Փետրվարի 19-ին Սուլթանովը պահանջեց՝ Ղարաբաղը հայտարարել Ադրբեջանի մաս: Ղարաբաղը մերժեց այդ անօրինական պահանջը: Հետևանքները, ինչպես նշում է Ս. Վրացյանը, կարող էին լինել շատ ավելի աղետավոր, եթե ապրիլի 13-ին Ղարաբաղ չհասներ Դրոյի էքսպեդիցիոն գորամասը, որը ապրիլի 15-ին գորահավաք հայտարարեց Վարանդայում ու Դիզակում, ամրացրեց ճակատները և 45 օր մնաց Ղարաբաղում: Ապրիլի 22-ին Թաղավարդ գյուղում հրավիրվեց Ղարաբաղի 9-րդ համագումարը, որը 44 ձայնով մեկի դեմ մի անգամ ևս որոշեց մերժել Ադրբեջանի իշխանությունը և Արցախ-Ղարաբաղը համարել Հայաստանի մաս (Վրացյան 1993, 396):

1920 թ. ապրիլին Թիֆլիսում հրավիրվեց Անդրկովկասի հանրապետությունների վեհաժողով, որի դրդապատճառը Ղարաբաղի, մասնավորապես Շուշիի հայության մարտյան սպանդն էր: Դաշնակիցները պահանջեցին վերջ տալ արյունահեղությանը, որի պահանջով հանդես եկավ նաև Եվգենի Գեգեկորին՝ զգուշանալով Վրաստանի քառսի մեջ ներքաշվելու վտանգներից: Մարտի 27-ին Նոյ ժողդանիան դիմեց դաշնակիցների ներկայացուցիչներին՝ խնդրելով միջնորդել՝ մարելու Ղարաբաղի հրդեհը և հանդարտեցնելու տարածաշրջանը: Անգլիայի, Ֆրանսիայի և Իտալիայի ներկայացուցիչներ Օ. Ուորդոպար, կոմս դը Մարտելը և գնդապետ Մ. Գաբբան, ապրիլի 1-ին հեռագրով դիմեցին Բաքու և Երևան՝ «եռանդագին հրավիրելով» խաղաղ միջոցներով և անհապաղ լուծել Ղարաբաղի և ուրիշ գավառների հարցերը, ուր «խաղաղությունը վտանգված է: Հաշտության այս հանդիսավոր կոչը, եթե չլավի այն ժամին, երբ թերևս, ամբողջ Անդրկովկասի բախտը վճռվելու վրա է, կարող է շատ ծանր հետևանքներ ունենալ ձեր կառավարությունների համար» (Հովհաննիսյան 2015, Հատոր III, 200):

Ե. Գեգեկորին դեռ մարտի 1-ին Հայաստանի և Ադրբեջանի արտգործնախարարներին հղված ուղերձում հիշեցրել էր, որ հունվարի 19-ին իրենք համաձայնության են եկել ընդհանուր խնդիրները լուծելու համար պարբերաբար խորհրդակցություններ անցկացնել, որին Ալ. Խատիսյանն արագ՝ մարտի 3-ին համաձայնություն տվեց, իսկ Ֆաթալի Խան-Խոյսկլին մարտի 5-ին առաջարկեց, որ խորհրդաժողովի անցկացման վայրը Թիֆլիսից տեղափոխվի Բաքու և օրակարգ մտցվեն համադաշնության հարցերը, և կապվելով Երևանի հետ՝ ցանկություն հայտնեց, որ հայկական պատվիրակությունը օժտվի որոշում կայացնելու լիազորություններով: Ալ. Խատիսյանը արձագանքելով Ֆ. Խան-Խոյսկլուն, պատասխանում է, որ նախքան համադաշնությանը դրականորեն պատասխանելը, պետք է վերականգ-

նել ստատուս-քվին («status quo») Ղարաբաղում՝ խստորեն պահպանելով 1919թ. օգոստոսի 22-ի ժամանակավոր համաձայնության պայմանները, ընդունել առկա վիճակը Զանգեզուրում, բացել Երևան-Ջուլֆա երկաթուղագիծը և ճանաչել Շարուր-Նախիջևանը որպես Հայաստանի անքակտելի մաս (ՀԱԱ, ֆ.200, ց.1, գ.475, թ.128, «Յառաջ» 1920, 7 մարտի, 11 մարտի: «Азербайджан» 1920, 7 марта):

ՀՀ կառավարությունը ապրիլի 2-ին հայտարարեց, թե ինքը լիովին համաձայն է դաշնակիցների առաջարկին, և իր պատգամավորները ապրիլի 5-ին կլինեն Թիֆլիսում՝ մասնակցելու խորհրդածողովին: Ապրիլի 4-ին ՀՀ խորհրդարանն էլ զբաղվեց Ղարաբաղի դեպքերով և հավանություն տվեց կառավարության քաղաքականությանը (ՀԱԱ, ֆ.278, ց.1, գ.321, թ.397): Նույն օրը Թիֆլիսում ՀՀ դիվանագիտական ներկայացուցիչ Տիգրան Բեկզադյանը Արտգործնախարարություն ուղարկված հեռագրում հայտնում էր, որ Մ.Գաբբայի հետ ապրիլի 2-ին տեղի է ունեցել հանդիպում, որի ժամանակ Իտալիայի հանձնակատարը ավստոսանք է հայտնել, որ հայերն ապստամբել են Ղարաբաղում մի այնպիսի ժամանակ, երբ գծվում են Հայաստանի սահմանները, և որ նման քայլն իմաստ չունի, ինչպես և չունի Ադրբեջանի կողմից իրավիճակին միջամտելը Կարսի մարզում: Տ.Բեկզադյանը տեղեկացնում էր, որ ինքը փորձել է համոզել գնդապետ Մ.Գաբբային և Դաշնակիցների մյուս ներկայացուցիչներին, որ ապստամբության պատճառը չի եղել ՀՀ միջամտությունը, այլ Ադրբեջանի կողմից 1919թ. օգոստոսի 22-ի ժամանակավոր համաձայնագրի խախտումը և Ղարաբաղի հայությանը զինաթափելը (ՀԱԱ, ֆ.200, ց.1, գ.563, թ.62):

Համաժողովն սկսվեց 1920թ. ապրիլի 9-ին, որին մասնակցում էին Ադրբեջանից՝ Հասան-բեկ Աղանը, Օլգերդ-բեկ Կրիչինսկին, Ֆարիս-բեկ Վեքիլովը: Համո Օհանջանյանը Ալ.Խատիսյանին ուղղված 1920թ. ապրիլի 8-ի նամակում ոչ ճիշտ գտնում էր, որ Ադրբեջանն, ունենալով այդ ներկայացուցիչները («Բանբեր Հայաստանի արխիվների» 1996, 1, 74), լուրջ նշանակություն չէր տալիս կոնֆերանսին<sup>3</sup>, ինչն այդպես չէր: Վրաստանից ներկա էին Ե.Գեգեչկորին, Գ.Լորդկիպանիձեն, ՀՀ-ից՝ Հ.Օհանջանյանը, Տ.Բեկզադյանը, Ս.Խաչատրյանը և ուրիշներ: Վրացական պատվիրակությունը քողածածկված եզրեր ուներ ադրբեջանցիների հետ, որոնց հետ դեռ 1919թ. հունիսին կնքել էին պաշտպանական ռազմաքաղաքական դաշինք: Դա բացահայտվեց ռազմական գործողությունների դադարեցման հարցի քննարկմամբ, որը հետաձգվեց անորոշ ժամանակով՝ մինչև Ադրբեջանի կառավարությունից պատասխանի ստացումը: Հ.Օհանջանյանը և Ե.Գեգեչկորին առարկեցին դրան, պնդելով, որ այլ լուրջ հարցեր չի կարելի քննարկել, քանի դեռ կոիվը չի դադարեցվել («Յառաջ» 1920, 23 ապրիլի: Վրացեան 1928, 344, «Борьба» 1920, 20 апреля):

Ապրիլի 10-ի նիստում ելույթ է ունենում Ստ.Մամիկոնյանը և կարևորում առաջին հերթին բախումների դադարեցման հարցը, սակայն Ե.Գեգեչկորու

3 Ֆաթալի Խան-խոյսկին ևս սպասվում էր Թիֆլիսում, սակայն չժամանեց, իսկ ադրբեջանական պատվիրակները չհամաձայնվեցին նրա բացակայությամբ քննարկել ռազմական գործողությունների դադարեցման հարցը:

պնդմամբ նիստը դադարեցվում է, քանի որ Ադրբեջանի պատվիրակությունը դեռևս իր կառավարությունից պաշտոնական դիրքորոշման հստակ ցուցումներ չէր ստացել (ՀԱԱ, ֆ. 200, ց. 1, գ. 548, թ. 158–160, գ. 441, թ. 60–61: «Յառաջ» 1920, 23, 27 ապրիլի: Վրացեան Ս. 1928, 344): Արտգործնախարար Օհանջանյանը Խատիսյանին տեղեկացնում է, որ Ադրբեջանի ռազմավարությունը հասկանալի է, Ադրբեջանը ձգտում է Ղարաբաղի խնդիրը լուծել մինչև ռազմական բախումների մասին կետը օրակարգ մտցնելը, որ Դաշնակիցներից օգուտ չկա, որ գնդապետ Ուիլյամ Հասկելը ձեռքերը լվացել է կովկասյան հարցերում և սրտնեղած է Հայաստանի կառավարությունից, Օ. Ուորդոպայը հիվանդ է, իսկ կոմս դե Մարտելը և մյուսները բացի համակրական խոսքերից ոչինչ չեն անում, իսկ Ե. Գեգեչկորին և Գ. Լորդկիպանիձեն շռայլ արտահայտություններ են հնչեցնում բարեկամության մասին, սակայն նաև խոստովանում, որ Վրաստանն իրեն դավաճանված է զգում Բաթումիի հարցում Ավետիս Ահարոնյանի և Պողոս Նուբար փաշայի քայլերից (ՀԱԱ, ֆ. 200, ց. 1, գ. 563, թ. 106–107):

Ի վերջո Հասան-բեկ Աղանը հայտարարում է իր կառավարության համաձայնության մասին ողջ Անդրկովկասի տարածքում ռազմական գործողությունների դադարեցման մասին: Ըստ այդմ էլ Ե. Գեգեչկորին առաջարկում է հետևել ա) արյունալի ընդհարումների դադարեցման ուղղությամբ վեհաժողովի կողմից ձեռնարկվելիք միջոցառումներին, բ) անդրկովկասյան հանրապետությունների տարածքային վեճերի մասին առաջարկվող լուծումներին, գ) արտաքին քաղաքականության հարցերի վերաբերյալ գործողությունների կորորդինացիայի անհրաժեշտության մասին, դ) կոնֆեդերացիայի ստեղծման ուղղությամբ դիրքորոշումների համաձայնեցման հարցին (ՀԱԱ, ֆ. 200, ց. 1, գ. 548, թ. 164):

Տ. Բեկզադյանը հայտարարում է, որ եթե վեհաժողովը համաձայնության չգա ռազմական գործողությունների դադարեցման հարցում, ապա հայկական պատվիրակությունը չի կարող մասնակցել որևիցե միության ստեղծմանը: Հ. Աղանն ու Օ. Կրիչինսկին պնդում են, որ համադաշնության մասին փոխհամաձայնությունը կնպաստի այլ հարցերի լուծմանը, սակայն հայկական կողմը բացահայտորեն խուսափում է համադաշնության հարցի քննարկումից՝ պատճառաբանելով, որ այդպիսի միության համար անհրաժեշտ են որոշակի և փոխադարձաբար ճանաչելի սահմաններ, առավել ևս, որ արյունահեղությունը չի դադարեցվել:

Ե. Գեգեչկորին կարծես թե հակված էր համաձայնելու հայերի հետ, սակայն ընդհանուր անդրկովկասյան խնդիրները լուծելու համար կարևորեց երեք հանրապետությունների միասնական մարմին ստեղծելը: Գ. Ս. Լորդկիպանիձեն առաջարկ է ներկայացնում. «Անդրկովկասյան հանրապետությունների վեհաժողովը, քննարկելով Ադրբեջանի և Հայաստանի հանրապետությունների միջև ռազմական գործողությունների դադարեցման մասին» հարցը, որոշում է. ա) հայտարարել բոլոր ռազմական բախումների դադարեցման մասին իր կտրուկ որոշումը, բ) վեհաժողովի որոշման մասին իրազեկել կառավարություններին, գ) ընտրել հանձնաժողով՝ տեղ գտած իրադարձությունների հետաքննման համար («Յառաջ» 1920, 27 ապրիլի, «Борьба» 1920, 22 апреля):

Համերաշխվելով Գ.Լորդկիպանիձեի հետ՝ Հ.Աղանը անհրաժեշտ գտավ նշել բանաձևում, որ պատերազմը մղվում է ոչ միայն Ադրբեջանում, այլև նրա սահմաններից դուրս, ընթացող բախումներում տեսնելով պատերազմ միայն հայտնի «ազգերի՝ մուսուլմանների և հայերի միջև: Այդ իսկ պատճառով էլ նա պնդեց «ռազմական գործողությունները դադարեցնել այնտեղ, որտեղ դրանք տեղի էին ունենում»: ՀՀ պատվիրակությունը, ըմբռնելով ադրբեջանական տեսակետի կողմնակալ ուղղվածությունը, առաջարկում է «մուսուլմաններ» բառը փոխարինել «ադրբեջանցիներ» բառով, որին ադրբեջանական պատվիրակությունը հակադարձում է, պնդելով, որ անպայման նշվի, որ հայերի և ադրբեջանցիների միջև ռազմական գործողությունները ընթանում են ինչպես հանրապետությունների սահմաններին, այնպես էլ Ադրբեջանի սահմաններից դուրս, օրինակ, հենց Հայաստանում: Վերջին պնդումը պատճառ է դառնում, որ հարցի քննարկումը փակուղի մտնի (ՀԱԱ, ֆ.200, ց.1, գ.548, թ.166):

Ֆ.Վեբլիովի կարծիքով, համընդհանուր բախումների պայմաններում երաշխիքներ չկան, որ, բախումների շրջանները փոքրանալու են, հետևաբար անհրաժեշտ է որոշակիորեն ցույց տալ, որ խոսքը գնում է Ադրբեջանում բնիկ հայ և մուսուլմանական բնակչության մասին՝ Հայաստանում: Հայկական պատվիրակությունն առաջարկում է բախումների տեղերի մասին ընդգծել՝ «Դադարեցնել բախումները Ղարաբաղում, Նուխիում, Նախիջևանում, Օրդուբաղում և այլ վայրերում, որտեղ դրանք տեղի են ունենում, հայերի և ադրբեջանցիների միջև՝ Անդրկովկասի սահմաններում»: Հայկական պատվիրակությունն ընդգծում է, որ Հայաստանում մուսուլմանների վիճակի կապակցությամբ, ինչպես և Ադրբեջանում՝ հայերի, վեհաժողովը կարող է հայտարարել ընդհանուր կարծիք, որ այս հանրապետությունների սահմաններում չթույլատրվի որևիցե հալածանք և բռնություն ազգային հողի վրա: Բանավեճի և Գ.Լորդկիպանիձեի առաջարկությունների արդյունքում բանաձևն ընդունվում է. ա) Անմիջապես դադարեցնել բոլոր արյունալի բախումները, որ այժմ տեղի են ունենում Նուխիում, Նախիջևանում, Օրդուբաղում և Ղարաբաղում, բ) վեհաժողովը պնդում է, որ Հայաստանի և Ադրբեջանի կառավարություններն անմիջապես ամենավճռական միջոցներ ձեռք առնեն, որպեսզի իսպառ բացառվի ամեն կարգի բախումների հնարավորությունները հայ և մուսուլման բնակչությունների միջև հանրապետությունների սահմաններում, գ) որոշման մասին անհապաղ տեղեկացնել Հայաստանի և Ադրբեջանի կառավարություններին՝ համապատասխան միջոցներ ձեռնարկելու համար (ՀԱԱ, ֆ.200, ց.1, գ.548, թ.167–170): Սակայն անտեսելով կոնֆերանսի ընդունած բանաձևը, Ադրբեջանը շարունակում էր Ղարաբաղի և Ադրբեջանի հայաբնակ վայրերի հայ բնակչության զինաթափումը և սպանողը:

Ապրիլի 12-ին քննարկվում է Գ.Լորդկիպանիձեի բանաձևը՝ մինչև ռազմական բախումները եղած իրավական ստատուսը վերականգնելու մասին: Սակայն Ադրբեջանի ներկայացուցիչ Օ.Կրիչիսկին գտնում է, որ խոսք անգամ չի կարող լինել օգոստոսի 22-ի համաձայնության լիակատար վերականգնման և նախկին կարգավիճակի մասին, այլ ընդամենը այն փաստական վիճակի, որը եղել է 1919 թ. նոյեմբերի 23-ի համաձայնությամբ: Տ.Բեկզադյանը հակադրվեց դրան, ասելով,

թե «նոյեմբերի 23-ի համաձայնությունը ոչինչ չի ասում որևիցե իրավական նորմի և կարգավիճակի մասին, այլ միայն ընդունում է զենքի չօգտագործման և տարածայնությունների դեպքում հարցերը միջնորդական արբիտրաժ հանձնելու մասին: Այս համաձայնությունը, ըստ վերջինիս, կարծես թե իր մեջ ներառում է նախորդ՝ օգոստոսի 22-ի համաձայնությունը՝ Ղարաբաղի Հայոց Ազգային Ժողովի և Ադրբեջանի կառավարության միջև, որ Ղարաբաղի հարցում ստատուս-քվոն պետք է հիմնված լինի 1919 թ. օգոստոսի 22-ի ժամանակավոր համաձայնագրի 26 կետից բաղկացած պայմանավորվածության վրա, որ նախորդ բոլոր պայմանավորվածությունները ամփոփվել են Նասիր բեկ Ուսուբբեկովի և Ալ.Խատիայանի միջև 1919 թ. նոյեմբերին ձեռքբերված համաձայնության մեջ, որը երկու կողմերին պարտավորեցնում էր գտնել վեճերի լուծման կամ իրավարարության խաղաղ տարբերակներ:

Օ.Կրիչինսկին ռեպլիկ է բաց թողնում, ասելով, որ նոյեմբերի 23-ի ակտն արդեն իսկ կլանվում է ներկա վեհաժողովի կողմից. «Այնտեղ ընդունվել են նույն դրույթները, ինչ որ մենք մտցրել ենք մեր որոշման մեջ», — պնդում է Օ.Կրիչինսկին: Հակադարձելով ադրբեջանական պատվիրակությանը, Հ.Օհանջանյանը նշում է, որ Ադրբեջանը արբիտրաժի փոխարեն դիմել է զենքի, որից երկու ելք պետք է տեսնել՝ վերադարձ ստատուս-քվո վիճակին ինչպես Ղարաբաղում, այնպես էլ Զանգեզուրում, կամ վստահեցում բախումների դադարեցման հարցում և դրանց կասեցում այնտեղ, ուր այն շարունակվում է (նույն տեղում): Ի վերջո, ապրիլի 12-ի սխտում որոշվում է. «Անհապաղ լիովին վերականգնել այն իրավական կարգավիճակը, որը գոյություն է ունեցել մինչև բախումները՝ հենվելով Հայաստան-Ադրբեջանի և Անդրկովկասյան հանրապետությունների վեհաժողովի կողմից ձեռք բերված համաձայնություններին, հավասարապես համապատասխան կառավարությունների հետ Ազգային Խորհուրդների պայմանագրերին (ՀԱԱ, ֆ.200, ց.1, գ.548, թ.167–168):

Լեռ-թաթարական ծագում ունեցող Օ.Կրիչինսկի-Նայմանը, ով փորձառու դիվանագետ էր, հակառակվում է դրան, պնդելով, որ օգոստոսի 22-ի համաձայնությունը շատ կետերում խախտվել է, և կարող է խոսք գնալ միայն այն սահմաններին վերադառնալու մասին, որոնք եղել են նոյեմբերի 23-ին՝ հաստատելով փաստական իրավիճակը սահմանների առումով (ՀԱԱ, ֆ.200, ց.1, գ.548, թ.167-169, Туманян 2012, 418, 449): Հակադրվելով՝ Տ.Բեկզադյանը պնդում է, որ տեղի է ունեցել հասկացությունների խառնաշփոթ՝ չժխտելով, որ Ադրբեջանը տիրել է Ղարաբաղին՝ թեկուզ և ժամանակավորապես, խաբելով հայերին, ուրեմն խոսք անգամ չի կարող լինել բնակչության հետ համաձայնության մասին, որ եթե այդ համաձայնությունը խախտվել է, ապա պետք է վերականգնել բախումներից առաջ եղած status quo ante-ն (ՀԱԱ, ֆ.200, ց.1, գ.548, թ.167–170):

Օ.Կրիչինսկին, հանդես գալով Տ.Բեկզադյանից անմիջապես հետո, պնդեց, որ Ղարաբաղի Ազգային խորհրդի հետ օգոստոսի 22-ի համաձայնությունը չպետք է ընդունել որպես միջազգային բնույթի ակտ, այլ որպես հրահանգչային բնույթի ներքին կառավարման ակտ (ՀԱԱ, ֆ.200, ց.1, գ.548, թ.168–170): Այո՛, սա դիվանագիտական մանևրումի փայլուն նմուշ է: Տ.Բեկզադյանը հակառակվում է, և

ավելի հզոր կռվան չգտնելով, պնդում, որ այդ ակտը չիրատարակելով ակնհայտ կդառնա, որ այն ոչ թե ներքին կառավարման հրահանգ է եղել, այլ հենց միջազգային բնույթի համաձայնություն, ընդ որում Ադրբեջանի կառավարության կողմից հորինված (ՀԱԱ, ֆ. 200, ց. 1, գ. 548, թ. 169–170): Օ. Կրիչինսկին ոչ առանց հիմքերի նկատում է, որ դարաբաղյոցները, թեկուզև ժամանակավորապես, սակայն համաձայնվել են Ադրբեջանի իշխանությանը, որ այն բանից հետո, երբ Ղարաբաղն օգոստոսի 22-ին ընդունել է Ադրբեջանի իշխանությունը, դարաբաղյան հարցը դարձել է ներքին հարց, որ պետություն պետության մեջ բացառվում է (ՀԱԱ, ֆ. 200, ց. 1, գ. 548, թ. 170–171): Ադրբեջանի պատվիրակները հմտորեն շահարկում էին «ժամանակավորապես» հանգամանքը, իսկ հայկական կողմը փորձում էր փակուղային վիճակից ելք գտնել:

Ե. Գեգեչկորին անհրաժեշտ համարեց վերականգնել մինչև բախումները եղած իրավիճակը, որի վրա էր հիմնված և 1919 թվականի նոյեմբերի 23-ի համաձայնությունը, շեշտելով, որ այդ համաձայնությունն իր մեջ ներառում է օգոստոսի 22-ինը (ՀԱԱ, ֆ. 200, ց. 1, գ. 548, թ. 171): Հ. Օհանջանյանը հակադրվելով, ընդամենը պնդում է, որ համաձայնության մեջ ներառեն նաև օգոստոսի 22-ի իրավական ակտը (ՀԱԱ, ֆ. 200, ց. 1, գ. 548, թ. 171): Վերջապես ընդունվում է մի բանաձև, որին երկու կողմերն էլ համաձայնում են. «Անհապաղ լիովին վերականգնել այն իրավական ստատուսը, որը գոյություն է ունեցել մինչև բախումները, և հենվել այն համաձայնության հիմքի վրա, որ ձեռք է բերել հայ-ադրբեջանական և Անդրկովկասյան հանրապետությունների վեհաժողովներում, հավասարապես Ազգային խորհուրդների և համապատասխան կառավարությունների պայմանագրերում»: Վիճաբանությունից հետո որոշվում է մի խառը հանձնաժողով ուղարկել Ղարաբաղ, իսկ մեկ ուրիշը՝ Ղազախ՝ ապահովելու նախապատերազմյան իրավիճակի վերականգնումը: Հանձնաժողովը պետք է կազմված լիներ 6 հոգուց, որ 1) տեղերում իրականացնի և վերահսկողության ենթարկի կոնֆերանսի որոշումների գործադրումը՝ արյունալի ընդհարումները դադարեցնելու և ստատուս-քվոն վերականգնելու համար, 2) հետազոտի տեղի ունեցած ընդհարումների պատճառները, որի մասին պետք է իրազեկվեր մամուլի միջոցով և տեղեկացվեր Անդրկովկասում գտնվող Դաշնակիցների ռազմաքաղաքական ներկայացուցչություններին («Յառաջ» 1920, 17 ապրիլի: ՀԱԱ, ֆ. 200, ց. 1, գ. 411, թ. 63, 73: «Борьба» 1920, 21 апреля):

Թվում է, թե ինչ-որ տեղ սառույցը հալվեց, սակայն դրանից անմիջապես հետո ոչ պատահականորեն Հ. Ադաևը հրապարակում է սադրիչ մի հեռագիր՝ հայերի կողմից Ղազախի շրջանում զինադադարի խախտման մասին, որով Ադրբեջանը իր համար անցանկալի իրավիճակից դուրս էր գալիս: Հատկանշական է, որ ապրիլի 13-ին Կրիչինսկին հերթական ադրբեջանական «անակընկալն» է մատուցում՝ հայտարարելով վեհաժողովի կողմից իրավական «ստատուսը» վերականգնելու մասին ապրիլի 12-ին ընդունված բանաձևի վերանայման մասին, ընդգծելով, որ օգոստոսի 22-ի ակտից բխող կարգավիճակը հանգում է ընդամենը Ղարաբաղի հայտնի մասերի ենթարկմանը Ադրբեջանի գերակայությանը հայտնի տարածքային սահմաններում (ՀԱԱ, ֆ. 200, ց. 1, գ. 516, թ. 44–45):

ՀՀ վարչապետ Ալ.Խատիսյանին ուղղված 1920թ. ապրիլի 14-ի նամակում Հ.Օհանջանյանը այդ կապակցությամբ նշում է, որ ադրբեջանական պատվիրակները, «status quo ante»-ի վերականգնում ասելով, հասկացել են ընդամենը սահմանների վերականգնման իմաստով, իսկ Ղարաբաղի ներքին կարգավիճակը իրենք հասկանում են Ղարաբաղը Ադրբեջանին ենթարկվելու իմաստով և ոչ ավելին (Բանբեր Հայաստանի արխիվների 1996, N 1, 80): Տ.Բեկզադյանը փորձեց առարկել, պնդելով, որ անհարկի է արդեն ընդունված բանաձևում փոփոխություններ մտցնել: Գեգեչկորին առաջարկում է չեղարկել այդ հարցը, ընդունված բանաձևը հանձնել մամուլին, իսկ արված հայտարարության առթիվ բանավեճ չծավալել (ՀԱԱ, ֆ.200, ց.1, գ.548,թ.175–176): Ադրբեջանի ներկայացուցիչ Օ.Կրիչինսկին կրկին դեմ է արտահայտվում մամուլում բանաձևը տպագրելուն, որին հակառակվում է Ե. Գեգեչկորին, ում առաջարկն էլ անցնում է:

Վեհաժողովի ապրիլի 14-ի նիստում ևս անդրադարձ է կատարվում ապրիլի 12-ի որոշման վերանայմանը: Օ.Կրիչինսկին ընդգծում է, որ ներկայումս իրենք չունեն միջազգային քննարկման այն օբյեկտը, որի դեպքում իրենք իրավասու են պնդելու պահպանել որևիցե պայմանագիր: Տ.Բեկզադյանի իսկ պնդմամբ, զինադադարի խախտմամբ համաձայնությունը կորցրել է իր ուժը, և Օ.Կրիչինսկու առաջարկած ժամանակավոր տարանջատիչ գծերի կարգավիճակի մասին ուղղումը պետք է մերժել: Օ.Կրիչինսկին էլ գտնում էր, որ եթե նախկինում պետական իշխանությունը Ղարաբաղում գտնվել է Հայկական Ազգային խորհրդի ձեռքին, ապա, թեև ուզ ժամանակավորապես, Ադրբեջանի իշխանությունը ճանաչելու պահից, այդ խորհրդի իշխանությունը վերացել է, տարրալուծվելով Ադրբեջանի Հանրապետության գերիշխանության մեջ (ՀԱԱ, ֆ.200, ց.1, գ.548,թ.178–179):

Ս.Խաչատրյանը շարունակեց պնդել, թե եթե ադրբեջանական կառավարությունը խախտել է պայմանագրի պայմանները, ապա այն արդեն կորցրել է իր իրավունքները: Փոխարենը Ադանն հակադարձում է, ասելով, որ իրենք չեն ցանկանում, որ վեհաժողովը հաստատի ուժի իրավունքը, որ պատերազմ չի եղել, այլ Ղարաբաղում եղել է խռովություն, և կառավարությունը զինուժի միջոցով կարգ ու կանոն է հաստատել, և առաջարկում է ընդունել իրենց բանաձևը: Գ.Լորդկիպանիձեն փորձելով մեղմել իրավիճակը, գտավ, որ ղարաբաղյան հարցի միջազգային բնույթի մասին որոշակիորեն նշված է եղել օգոստոսի 22-ի համաձայնագրի նախաբանում, և քանի որ այդ ըմբռնումը խախտվել է, ապա անդրկովկասյան կառավարությունները պետք է աշխատեն այն նորից ուժի մեջ դնել, որ Ադրբեջանի կառավարությունը պետք է հարգի նախորդ օրն ընդունված որոշումը («Յառաջ» 1920, 17 ապրիլի, Երևան), որ հայկական բնակչությունը ենթարկվում է Ադրբեջանի կառավարությանը մինչև խաղաղության վեհաժողովի որոշումը, և դրա հետ պետք է հաշվի նստել որպես միջազգային փաստաթղթի (ՀԱԱ, ֆ.200, ց.1, գ.548,թ.180), իսկ Ստ.Մամիկոնյանը պնդում է, որ Ադրբեջանը միայն ժամանակավորապես է տիրել Ղարաբաղին, քանի որ հայկական բնակչությունը, աջակցություն չստանալով ՀՀ-ից, հարկադրված է եղել համաձայնվել միայն ժամանակավորապես ենթարկվելու Ադրբեջանին, իսկ եթե Ադրբեջանի կառավարությունը դժվարանում է համաձայնել այս դրույթի հետ, ապա նա պետք է հաստատի այն հրապարակավ:



Ե. Գեգեչկորին, ոչ պատահաբար շիկացնում է իրավիճակը՝ ասելով, թե կարող է արդյոք Ադրբեջանը երաշխավորել Ղարաբաղի հայ բնակչության իրավունքները, որին ադրբեջանական կողմն ակնթարթորեն պատրաստակամություն է արտահայտում, և Ադանը ադրբեջանական կառավարության անունից հայտարարում է, որ տեղերը վերադարձող Ղարաբաղի լոյալ հայ բնակչության համար կապահովվի բոլոր ազգային-մշակութային իրավունքները, որոնցից նա օգտվել է մինչև բախումները (ՀԱԱ, ֆ.200, ց.1, գ.548, թ.180): Ի պատասխան՝ Հ.Օհանջանյանը այս կապակցությամբ ընդգծում է, որ դեկլարացիայում «լոյալ» և «ազգային-կուլտուրական իրավունքներ» բառերի հիշատակումը իրենց չի բավարարում, սակայն քիչ ավելի ուշ ՀՀ պատվիրակությունը տեղի է տալիս, համաձայնելով, որ դեկլարացիայում վերապահում արվի, այսինքն՝ ապահովվեն այն բոլոր իրավունքներն ու պարտականությունները, որոնցից հայկական բնակչությունը օգտվել է:

Հ.Ադանը, էլի օգտվելով հայկական կողմի անողնաշարավորությունից, հայտարարում է, որ Ադրբեջանը Ղարաբաղի հայկական բնակչության համար կպահպանի ազգային-մշակութային իրավունքները, որոնցից նա օգտվել է մինչ այդ (նույն տեղում): Իսկ արդեն ապրիլի 17-ի նիստում Խան-Խոյսկին կրկին հայտարարում է, որ Ղարաբաղը Ադրբեջանի տարածք է, և այստեղ գործը վերաբերում է Ադրբեջանի ներքին իրավակարգին, և որ խոսքը գնում է այն մասին, թե ինչպիսին է Ադրբեջանի կառավարության վերաբերմունքը իր բնակչության հայտնի մասի նկատմամբ, որ այնտեղ մեկնող հանձնաժողովը գուցե և կարողանա ընդարձակել հայ բնակչության արտոնությունները, և դրանով իսկ հարցը փակել (ՀԱԱ, ֆ.200, ց.1, գ.548, թ.5-6): Ե. Գեգեչկորին ևս եզրակացնում է, որ անհրաժեշտ է հայ բնակչությանը վերադարձնել իր բնակության հին տեղերը, որից հետո դնել իրավական դրության հարցը, և դրանով իսկ խաղաղեցնել տարածաշրջանը (ՀԱԱ, ֆ.200, ց.1, գ.576, թ.7-9):

Հ.Օհանջանյանը կրկին առաջարկում է հիմք ընդունել ապրիլի 12-ի բանաձևն իրավական ստատուսի վերականգնման մասին, այն հիմք համարելով թե՛ Ղազախի, և թե՛ Ղարաբաղի և այլ շրջանների համար, որի հետ անմիջապես անհամաձայնություն է արտահայտում Խան-Խոյսկին, առարկելով երկու հարցերը իրար միացնելու դեմ, պատճառաբանելով, որ Ղազախում խոսք է գնում օտար տարածքի նվաճման, իսկ Ղարաբաղում՝ հենց բուն պետության ներսում ապստամբության մասին, և որ Ադրբեջանի կառավարությունը ամեն միջոց կգործադրի, որ պետի հայ բնակչությունն օգտվի ազգային-մշակութային ինքնավարության բոլոր հնարավորություններից (ՀԱԱ, ֆ.200, ց.1, գ.576, թ.8-9):

Հ.Օհանջանյանի Ալ.Խատիսյանին 1920 թ. ապրիլի 18-ի նամակից ակնհայտ է դառնում, որ իրենք ձախողվել են. «Ներկա պայմաններում միանգամայն հնարավոր չէ ավելիին հասնել, և դատելով առկա ռազմական դրության մասին, մենք հարկադրված ենք գնալու ամենամեծ զիջումների» («Բանբեր Հայաստանի արխիվներին» 1996, N 1, 82): Ղարաբաղի հանձնախումբն այդպես էլ չի հասցնում արդյունքի հասնել, քանզի ապրիլի 28-ին Խորհրդային Կարմիր Բանակը մտնում է Ադրբեջան («Յառաջ» 1920, 18 ապրիլի):

1920 թ. ապրիլի 20-ի հուսահատ մի դիմումագիր ուղարկվեց Դաշնակիցների ներկայացուցիչներին՝ Դր Մարտելին, Հ. Լյուկին, Մ. Գաբբային. «ի պատասխան Ձեր ապրիլի 27-ի կոլեկտիվ նոտայի... Հայկական կառավարությունը ցույց է տվել Ղարաբաղում ադրբեջանական կանոնավոր ուժերի և բանդաների կենտրոնացման կործանարար հետևանքները՝ նպատակ ունենալով վերջնականապես ենթարկել գենքի միջոցով՝ ի հակառակ օգոստոսի 22-ի համաձայնագրի, որը վերածվեց հայերի մասսայական ջարդի ողջ Ադրբեջանում: Նա այժմ հայտարարում է, որ Ղարաբաղում ամենևին էլ հայկական կանոնավոր զորքեր չկան՝ կանգնելով համաձայնության և բոլոր վիճելի հարցերը խաղաղ լուծելու վրա» (ՀԱԱ, ֆ. 200, ց. 1, գ. 271, թ. 212): Դաշնակիցների ադրբեջանամետ քաղաքականությունը ՀՀ համար ունեցավ կործանարար հետևանքներ, որի մասին է շեշտում Հ. Տեր-Հակոբյանը դեռ 1919 թ. սեպտեմբերի 16-ին Թիֆլիսում ՀՀ դիվանագիտական հանձնակատարին ուղղված գրությունում. «պարզվում է, որ անգլիացիք Կովկասում իրենց ներկայության ամբողջ ընթացքում եղել են ոչ անկեղծ դեպի մեզ և վարել սիստեմատիկաբար մուսուլմանական քաղաքականություն. թե՛ Տոմսոնի և թե՛ մյուս գեներալների (անգամ մեզ մոտ հայասեր համարված Անդրկովկասում բրիտանական օկուպացիոն զորքերի շտաբի քաղաքական բյուրոյի ղեկավար գեներալ Վ. Հ. Բիչի) գեկուցումները, մասնավորապես Ղարաբաղի և առհասարակ մեզ վերաբերող խնդիրներում միշտ եղել են ի վնաս մեզ» (ՀԱԱ, ֆ. 200, ց. 1, գ. 62, թ. 45: ֆ. 275, ց. 5, գ. 97, թ. 126):

Ղարաբաղ-Զանգեզուրի և այլ հարցերում անգլիացիների ոչ հայասեր վերաբերմունքի մասին է փաստվում Ալ. Խատիայանի 1919 թ. սեպտեմբերի 23-ի Խաղաղության կոնֆերանսի նախագահ Ժորժ Կլեմանսոյին ուղղված դիմումագրում. «1919 թ. Բաքվից դաշնակից զորքերի հրամանատար գեներալ Դ. Շատելվորտը Կոմյունիկե հրապարակեց, որով Ղարաբաղի ժողովրդին հրավիրում էր առանց դիմադրության հպատակվել Խ. Սուլթանովին և ընդունել Ադրբեջանի վարչությունը: Ղարաբաղի ազգային ժողովը անմիջապես մերժեց Դ. Շատելվորտի այս առաջարկը: Այն ժամանակ Ադրբեջանի կառավարությունը կանոնավոր զորքերով և անկանոն քուրդ-թաթար հորդաներով հարձակվեց հայկական գյուղերի վրա: Բրիտանական ուժերի հրամանատարն իր զորքերը դուրս էր բերել Ղարաբաղից: Հայկական միսիան հեռացել էր այնտեղից: Հայաստանի հանրապետական կառավարությունը բռուն բողոքում է ժամանակավոր կարգավորման դեմ, որ բռնի կերպով է հարկադրված Ղարաբաղի ժողովրդին, երկիր, որ միշտ ՀՀ անբաժան մասն է եղել, որի այժմ ճնշող մեծամասնությունը հայ է, 355.000 հայ, միայն 130.000 զանազան ազգություններ» (ՀԱԱ, ֆ. 200, ց. 1, գ. 355, մաս 1, թ. 3: Ղարիբյան 2012, 240–241):

Մեծ Բրիտանիայի հեռանալուց հետո, հետևաբար, Խորհրդային Ռուսաստանը և վերակենդանացած Թուրքիան դարձան այն երկու պետությունները, որոնք Կովկասյան տարածաշրջանի տերերը դարձան: Հայաստանի և Թուրքիայի միջև Սևրի դաշնագրի ուրվականը կար, իսկ Հայաստանի և Խորհրդային Ռուսաստանի միջև՝ ՀՀ խաբուսիկ հույսը՝ դաշնակիցների օժանդակության հետ կապված, որոնք, ինչպես դիպուկ նկատում են անգլիացի կովկասագետներ

Գ.Մ.Լանգը և Ք.Ի.Ուոքըրը, հայերին և հայ ժողովրդի քաղաքական առաջնորդներին հմտորեն կերակրեցին «Սև ծովից մինչև Միջերկրական ծով տարածվող Հայաստան ստեղծելու երազային գաղափարով» (Լանգ, Ուոքըր 1992, 31): Այդ հույսերը տարան ՀՀ ճակատագրական մեկուսացմանը և անկմանը: ՀՀ-ի նկատմամբ իրավիճակի և դաշնակիցների դիրքորոշման էական փոփոխությունը հեղինակները դիպուկ են նկատել. «1920-ի ընթացքում իրավիճակը այնպիսի դրամատիկ փոփոխություններ կրեց, որ այլևս իմաստագրկվեցին դաշնակից տերությունների Հայաստանին տված խոստումները... բոտն վիճաբանություններից հետո... դաշնակցական կառավարությունը որոշեց խաղաղ կերպով իշխանությունը հանձնել բոլշևիկներին և ինչպես առածն է ասում, նրանք գերադասեցին «կարմիր լինել, քան մեռած» (Լանգ, Ուոքըր 1992, 32): 1920 թ. ապրիլի վերջերին Ադրբեջանը և հաջորդաբար՝ Ղարաբաղը խորհրդայնացվեց, ինչին արագ հետևեց 1921 թ. հուլիսի 5-ին ՌԿ(Բ)Կ Կենտկոմի Կովկասյան բյուրոյի որոշումը (Իոսիֆ Ստալինի ճշման ներքո), որով հայկական Ղարաբաղը բռնակցվեց Ադրբեջանին:

Այսպիսով, Հայաստանը, ինչպես մեր օրերում, այնպես էլ պատմական այդ ժամանակահատվածում կրկին խաբված մնաց «դաշնակիցների» կողմից և զրկվեց իր պատմական տարածքներից:

## ՕԳՏԱԳՈՐԾԿԱԾ ՍԿԶԲԱՂԲՅՈՒՐՆԵՐ ԵՎ ԳՐԱԿԱՆՈՒԹՅՈՒՆ

### Արխիվային փաստաթղթեր

- ՀԱԱ, ֆ. 45, ց. 1, գ. 32:
- ՀԱԱ, ֆ. 199. ց. 1. գ. 6:
- ՀԱԱ, ֆ. 199. ց. 1. գ. 28:
- ՀԱԱ, ֆ. 199. ց. 1, գ. 43:
- ՀԱԱ, ֆ. 200, ց. 1, գ. 243:
- ՀԱԱ, ֆ. 200, ց. 1, գ. 271:
- ՀԱԱ, ֆ. 200, ց. 1, գ. 355, մաս 1:
- ՀԱԱ, ֆ. 200, ց. 1, գ. 411:
- ՀԱԱ, ֆ. 200. ց. 1. գ. 548:
- ՀԱԱ, ֆ. 200. ց. 1. գ. 516:
- ՀԱԱ, ֆ. 200. ց. 1. գ. 563:
- ՀԱԱ, ֆ. 200. ց. 1. գ. 576:
- ՀԱԱ, ֆ. 275, ց. 5. գ. 97:
- ՀԱԱ, ֆ. 278, ց. 1, գ. 321:

### Պարբերական մամուլ

- «ՅԱՌԱՋ» 1920 – «Յառաջ» թերթ, Երևան, 1920, մարտի 7:
- «ՅԱՌԱՋ» 1920 – «Յառաջ» թերթ, Երևան, 1920, մարտի 11:
- «ՅԱՌԱՋ» 1920 – «Յառաջ» թերթ, Երևան, 1920, ապրիլի 17:
- «ՅԱՌԱՋ» 1920 – «Յառաջ» թերթ, Երևան, 1920, ապրիլի 23:
- «ՅԱՌԱՋ» 1920 – «Յառաջ» թերթ, Երևան, 1920, ապրիլի 27:
- «АЗЕРБАЙДЖАН» 1920 – «Азербайджан», Баку, 1920, 7 марта.
- «АЗЕРБАЙДЖАН» 1919 – «Азербайджан», Баку, 1919, 24 августа.

«БОРЬБА» 1920 – «Борьба», Тифлис, 1920, 22 апреля.

### Գրականություն

- ԼԱՆԳ, ՈՒՌԶԸՐ 1992 – Լանգ Դ.Մ. ՈՒրըրը Ք.Ջ., Հայերը: (Հայ ժողովրդի պատմություն), Երևան, 1992:
- ԽԱՏԻՍԵԱՆ 1968 – Խատիսեան Ա., Հայաստանի Հանրապետության ծագումն ու զարգացումը, Բեյրութ, 1968:
- «Բանբեր Հայաստանի արխիվների» 1996 – Համո Օհանջանյանի նամակները Ալեքսանդր Խատիսյանին, 6 ապրիլի-22 ապրիլի 1920 թ., «Բանբեր Հայաստանի արխիվների», Երևան, N 1, էջ 71–88:
- ՀԱՐՈՒԹՅՈՒՆՅԱՆ 1996 – Հարությունյան Հ.Մ., Լեռնային Ղարաբաղը 1918–1921 թթ., Երևան, 1996:
- ՀՈՎՀԱՆՆԻՍՅԱՆ 2005 – Հովհաննիսյան Ռ.Գ, Հայաստանի Հանրապետություն, Հատոր 1, Առաջին Տարի, 1918–1919, Երևան, 2005:
- ՀՈՎՀԱՆՆԻՍՅԱՆ Ռ.Գ. 2015 – Հովհաննիսյան Ռ.Գ, Հայաստանի Հանրապետություն, Հատոր 3, Լոնդոնից-Սևր. փետրվար-օգոստոս 1920, Երևան, 2015:
- ՂԱՐԻՖՅԱՆ 2012 – Ղարիբյան Ա., Լեռնային Ղարաբաղի հիմնալիցողները 1918–1920 թվականներին և Մեծ Բրիտանիան, Երևան, 2012:
- ՎԻՐԱՅԱՆ 2004 – Վիրաբյան Վ.Հ., Հայաստանը Անդրկովկասյան Հանրապետությունների 1920 թ. ապրիլյան վեհաժողովում, Երևան, 2004:
- ՎՐԱՅԵԱՆ 1928 – Վրացեան Ս., Հայաստանի Հանրապետություն, Փարիզ, 1928:
- ՎՐԱՅՅԱՆ 1993 – Վրացյան Ս., Հայաստանի Հանրապետություն, Երևան, 1993:
- ВЕКИЛОВ 1998 – Векилов Р.А., История возникновения Азербайджанской Республики. Баку, 1998.
- ПИЛИПЧУК 2021 – Пилипчук Яр.В., Азербайджанское государство в контексте русско-турецких отношений. //South Caucasia In The Context Of Social, Economic And Political Progress In The Post-Cold War Era, Editors Assoc. Prof. Dr.Vefa Kurban, Assoc. Prof.Dr. Muvaffak Duranli, Ankara, 2021, p.105–187.
- ТУМАНЯН 2012 – Туманян М., Дипломатическая история Республики Армения 1918–1920 гг., Ереван, 2012.
- VIRABYAN 2021 – Virabyan V.H., Revealing The Khan Tekinsky Conspiracy (from the history of counter intelligence of the First Republic of Armenia), «Fundamental Amenology (Electronical Journal)», N 1, p.51–81.

Vanik Virabyan

Doctor of Sciences in History, Professor

*Armenian State Pedagogical University After Khachatur Abovyan*

vanik.virabyan@mail.ru

### MOUNTAINOUS KARABAGH ISSUE IN TIFLIS CONFERENCE IN APRIL OF 1920 AND THE POSITION OF MILITARY-POLITICAL REPRESENTATIONS OF EUROPE STATES IN THE TRANSCAUCASUS

Keywords: RA, Mountainous Karabagh, Tiflis, Azerbaijan, Russia, Great Britain, Baku.

In 1918–20s the steps of military politics of Azerbaijani were directed towards the frustration of Armenian State system. With this intention, Andranik's and Dro's forces were taken out, with the help of British generals W.Thomson and D.Shatelworth. This allowed Azerbaijani families on the 22<sup>nd</sup> of August in 1919 make the Armenian council in Kara-

bagh temporarily obey Azerbaijani Government till the solution of this disputable issue by the French conference of allied union, which was one of the beforehand planned cunning steps of Azerbaijani government.

In reality, as a result of later important military changes in the Republic of Armenia and as a result of mutually beneficial agreement between Soviet Russia and Kemal Turkey as well as taking into consideration the evident connivance of allied powers Azerbaijani managed to capture not only Nachijevan, but Karabagh and other Armenian lands.

**Ваник Вирабян**

Доктор исторических наук, Профессор

*Армянский Государственный Педагогический Университет имени Хачатура Абовяна*  
vanik.virabyan@mail.ru

### ВОПРОС НАГОРНОГО КАРАБАХА НА АПРЕЛЬСКОЙ ТИФЛИССКОЙ КОНФЕРЕНЦИИ 1920 Г. И ПОЗИЦИЯ ВОЕННО-ПОЛИТИЧЕСКИХ ПРЕДСТАВИТЕЛЬСТВ ЕВРОПЕЙСКИХ ДЕРЖАВ В ЗАКАВКАЗЬЕ

**Ключевые слова:** РА, Нагорный Карабах, Тифлис, Азербайджан, Россия, Великобритания, Баку.

В 1918–1920 гг. военно-политическая стратегия Азербайджана была направлена на подрыв армянской государственности, для чего и все силы были направлены на отторжение исконно армянских территорий от Республики Армения. С этой целью и с помощью британских генералов У.Томсона и Д.Шателворта из Карабаха были отодвинуты силы Дро и Андраника, что позволило азербайджанским властям, так называемым обманчивым “согласительным” актом от 22 августа 1919 г., принудить армянского совета Карабаха временно подчиниться власти Азербайджана до справедливого разрешения спорного вопроса Парижской конференцией союзников, что в конечном счете было обдуманным хитрым маневром со стороны азербайджанского правительства.

В конечном итоге, в силу происшедших в дальнейшем важных изменений в военно-политической ситуации в регионе вокруг Республики Армения, взаимовыгодного согласия между большевистской Россией и кемалистской Турцией, но также и явного попустительства союзных держав, Азербайджану удалось захватить не только Нахичевань, а также Нагорный Карабах и другие армянские земли.